

Bosna i Hercegovina
Federacija Bosna i Hercegovina
Tuzlanski kanton
GRAD TUZLA
GRADSKO VIJEĆE TUZLA
Komisija za odlikovanja i priznanja
Broj: 01-05-6235-2017
Tuzla, 6.7.2017. godine

Na osnovu člana 18. stav 1. Statutarne odluke o organizaciji Grada Tuzle u skladu sa Zakonom o Gradu Tuzla ("Službeni glasnik Grada Tuzla", broj 1/14, 3/15, 7/15 i 11/15), a u vezi sa članom 40. Poslovnika Općinskog vijeća Tuzla ("Službeni glasnik Općine Tuzla", broj: 7/05., 7/11. i 10/14), člana 23. Odluke o javnim priznanjima ("Službeni glasnik Općine Tuzla", broj: 10/07., 5/08. i 6/09.), i člana 3. Odluke o načinu dodjeljivanja javnih priznanja u 2017. godini ("Službeni glasnik Grada Tuzla", broj: 2/17), Komisija za odlikovanja i priznanja Gradskog vijeća Tuzla, raspisuje:

J A V N I K O N K U R S

za predlaganje dobitnika javnih priznanja u 2017. godini u povodu obilježavanja sljedećih značajnih datuma iz historije Tuzle i Bosne i Hercegovine:

- 1. Drugi oktobar**
- 2. Dvadeset peti novembar**

Pozivaju se vijećnici i klubovi vijećnika, Gradonačelnik, tijela mjesne samouprave, tijela državne vlasti, ustanove, privredna društva, strukovne komore, vjerske zajednice, političke stranke, nevladine organizacije i druge pravne osobe da, u skladu s članom 19. Odluke o javnim priznanjima i članom 3. Odluke o načinu dodjeljivanja javnih priznanja u 2017. godini dostave obrazloženu inicijativu za dodjelu javnog priznanja u 2017. godini, Komisiji za odlikovanja i priznanja Gradskog vijeća Tuzla, a prema sljedećim:

K R I T E R I J I M A **ZA DODJELU JAVNIH PRIZNANJA**

a) Priznanje Povelja grada Tuzle

Povelja Grada Tuzle se dodjeljuje u povodu 2. oktobra - Dana oslobođenja Tuzle.
Povelja je najviše tuzlansko priznanje.

Povelja se dodjeljuje građanima Tuzle, grupi građana Tuzle i drugim licima koja rade na području Grada Tuzla, privrednim društvima, ustanovama, vjerskim zajednicama, udruženjima građana i drugim pravnim licima za njihov doprinos i postignute rezultate u teorijskom i praktičnom radu u oblastima nauke, privrede, prosvjete, kulture, umjetnosti, sporta, zdravstva, socijalne zaštite i dječije zaštite, unapređenja i afirmacije tolerancije, kulture dijaloga i drugih oblasti života u Tuzli, u odbrani Tuzle i Bosne i Hercegovine, zaštiti i afirmaciji ljudskih prava i sloboda garantovanih međunarodnim konvencijama, Ustavom i zakonima, kao i spašavanja ljudi, imovine, unapređivanja uslova života u Tuzli, unapređivanja demokratije, suživota i afirmacije ugleda Tuzle u Bosni i Hercegovini i inostranstvu.

Kriteriji za dodjelu Povelje su:

- najbolji rezultati postignuti u teorijskom i praktičnom radu na pojedinom području djelovanja (u oblasti nauke, privrede, prosvjete, kulture, umjetnosti, sporta, zdravstva, socijalne zaštite okoline i drugim oblastima),
- objavljena, prikazana, izložena, izvedena ili na drugi način prezentirana i nagrađena ostvarenja i rezultati,
- izuzetan doprinos u odbrani Tuzle i Bosne i Hercegovine,
- izuzetan doprinos i javno zalaganje i rad na očuvanju demokratije i zaštite osnovnih prava i sloboda čovjeka koja su proklamovana međunarodnim konvencijama, Ustavom i zakonima,
- izuzetan doprinos unapređivanju uslova života u Tuzli,
- transparentan rad i javno istupanje u cilju afirmacije i promocije vrijednosti Tuzle i Bosne i Hercegovine,

- javno objavljeni podaci ili rezultati za doprinos razvoju lokalne i šire zajednice, kao i javno objavljeni podaci ili rezultati o racionalizatorstvu, pronalascima i izumima čime se povećava produktivnost rada i ekonomičnost,
- općepoznati ugled stručnjaka ili djelatnika iz odrađenih oblasti, odnosno uspješnog privrednog društva, ustanove, udruženja građana i drugog pravnog subjekta i
- javno objavljeni ili zvanično pribavljeni podaci o učešću u spašavanju ljudskih života i imovine.

b) Priznanje Počasni građanin Tuzle

Počasnim građaninom Tuzle može se proglasiti osoba koja je dala naročiti doprinos u afirmaciji vrijednosti demokratskog društva, historijskih događaja i tradicije bosanskohercegovačkih naroda, za razvijanje boljeg položaja i ugleda Grada Tuzla, njenih odnosa s drugim lokalnim zajednicama u zemlji i inostranstvu te za razvoj Grada u cjelini ili pojedinih njegovih dijelova, državnik ili dužnosnik druge države, član međunarodne organizacije, odnosno organizacije druge države ili njihovih tijela posebno zaslužan za Grad Tuzla i Bosnu i Hercegovinu u afirmaciji njihovih vrijednosti u skladu sa općeprihvaćenim načelima savremenog svijeta.

c) Priznanje Tuzlanska plaketa

Tuzlanska plaketa se dodjeljuje građanima ili grupi građana Tuzle, kao i drugim licima koji rade i djeluju na području Grada Tuzla, udruženjima građana, privrednim društvima, ustanovama i drugim pravnim licima za njihov doprinos i postignute rezultate u radu, afirmaciji i zaštiti ljudskih prava i sloboda, toleranciji i demokratiji, zaštiti na radu i zaštiti okoline, kao i za doprinos za odbranu Tuzle i Bosne i Hercegovine u spašavanju ljudi i imovine, unapređivanju uslova života u Tuzli, afirmaciji i razvoju lokalne samouprave i mjesnih zajednica, a samim time i Tuzle, afirmaciji Tuzle u zemlji i inostranstvu, kao i unapređivanju socijalne i dječije zaštite.

Kriteriji za dodjelu Tuzlanske plakete su:

- nadprosječno ostvareni rezultati u radu i mjerljiv i vidljiv doprinos i priznati radovi i rezultati u racionalizaciji, pronalascima i izumima,
- mjerljiv doprinos u odbrani Tuzle i Bosne i Hercegovine,
- naročit doprinos i javno zalaganje za razvoj demokratije, tolerancije, zaštite ljudskih prava i sloboda,
- mjerljiv doprinos unapređenju uslova života u mjesnoj zajednici,
- transparentan, javan i stalan rad i javno istupanje u cilju afirmacije i promocije tuzlanskih vrijednosti,
- naročit doprinos u ostvarivanju zaštite na radu i zaštite okoline,
- općepoznati ugled stručnjaka ili aktiviste iz određenih oblasti (privrede, društvenih djelatnosti, u mjesnoj zajednici, udruženju građana i sl.),
- naročit doprinos u radu humanitarnih organizacija (npr. višestruki davalac krvi, poznati humanisti i sl.) i
- mjerljiv doprinos spašavanju ljudskih života i imovine.

d) Priznanje Tuzlanska lenta

Tuzlanska lenta se dodjeljuje građanima ili grupi građana Tuzle za postignute uspjehe i njihov doprinos u realizaciji manjih konkretnih projekata od javnog interesa.

Kriteriji za dodjelu priznanja Tuzlanske lente su:

- javno objavljen ili općepoznat uspjeh ili doprinos građanina ili grupe građana Tuzle za postignute uspjehe i njihov doprinos u realizaciji konkretnog (manjeg) projekta od javnog interesa,
- naročit doprinos u ostvarivanju zaštite na radu i zaštite okoline,
- naročit doprinos u radu humanitarnih organizacija (npr. višestruki davalac krvi, poznati humanisti i sl.) i
- mjerljiv doprinos spašavanju ljudskih života i imovine.

e) Priznanje Zahvalnica

Zahvalnica se dodjeljuje kao znak zahvalnosti i odavanje priznanja, u povodu jubileja fizičkih i pravnih lica, za konkretan uspjeh i poduhvat.

Kriteriji za dodjelu Zahvalnice su:

- objavljeni i općepoznati lični ili kolektivni jubileji (godišnjice) građanina ili grupe građana iz Tuzle, kao i pravnih lica koji rade i djeluju na području Grada Tuzla,
- objavljeni ili općepoznati konkretan uspjeh ili poduhvat.

Inicijativa za dodjelu jednog od javnih priznanja se dostavlja u pisanom obliku i sadrži sljedeće:

- ime, prezime i adresu kandidata, odnosno naziv privrednog društva, ustanove, vjerske zajednice, udruženja građana i drugih pravnih subjekata kojeg se predlaže za dodjelu javnog priznanja,
- oblast iz koje se predlaže,
- obrazloženje prijedloga,
- raspoloživu dokumentaciju kojom se potvrđuju navodi iz obrazloženja,
- tačno naznačeno i opisano djelo, rad i uspjeh i sl., zbog kojih se predlaže,
- naziv javnog priznanja za koje se predlaže.

NAPOMENA:

Komisija za odlikovanja i priznanja Gradskog vijeća Tuzla zadržava pravo da naknadno od podnosilaca inicijativa zatraži dostavljanje iste u elektronskoj formi.

Javni konkurs će biti objavljen u dnevnom listu „Oslobođenje“ i na web stranici Grada Tuzla - www.grad.tuzla.ba.

Javni konkurs za predlaganje dobitnika javnih priznanja u 2017. godini ostaje otvoren 30 (trideset) dana od dana objavljivanja.

Inicijative koje budu podnesene od neovlaštenih podnosilaca, izvan roka za podnošenje ili budu nepotpune u pogledu sadržaja, neće se uzeti u razmatranje.

Inicijativa za dodjelu javnog priznanja u pisanom obliku se dostavlja na slijedeću adresu:

**Grad Tuzla
Komisija za odlikovanja i priznanja Gradskog vijeća Tuzla,
Ulica ZAVNOBIH-a broj 11
75 000 Tuzla
sa naznakom:**

„Javni konkurs za predlaganje dobitnika javnih priznanja u 2017. godini – ne otvarati“

**Komisija za odlikovanja i priznanja
Gradskog vijeća Tuzla**